

Sastanak s radnom grupom za geodetsku infrastrukturu

02.08.2016 12:24



U Banja Luci je 27. 7. 2016. godine održan sastanak radne grupe za Komponentu 4 – Podrška razvoju geodetske infrastrukture, između predstavnika CILAP projekta, Ministarstva civilnih poslova BiH (MCP), Federalne uprave za geodetske i imovinsko-pravne poslove i Republičke uprave za geodetske i imovinsko-pravne poslove RS.

Tema sastanka je bila usaglašavanje stavova entitetskih uprava oko realizacije Projekta novog nivelmana visoke tačnosti BiH (NVT III), čija se puna realizacija očekuje u u periodu 2017. – 2019, a pripremni radovi se realizuju od 2015.

Očekuje se da će projekat finansirati MCP zavisno od odluke Vijeća Ministara BiH kojem je upućen zahtjev za odobrenje Projekta.

Uloga CILAP-a u okviru ovog projekta bila bi naučno-tehnička podrška koja bi se ogledala putem angažovanja dva istaknuta stručnjaka iz ove oblasti koji bi izradili detaljne tehničke specifikacije, bili supervizori tokom realizacije cijelog projekta i učestvovali na obradi mjerenja.